

Հ Ա Յ Տ Ա Ր Ա Ր Ռ Ի Թ Յ Ո Ւ Ն N 229

Համայնքային ծառայության կադրերի ռեզերվում գրանցված անձանց ՀՀ
տարածքային կառավարման և ենթակառուցվածքների նախարարությունը տեղեկացնում է
ժամանակավոր թափուր պաշտոնների վերաբերյալ

Երևանի Շենգավիթ վարչական շրջանի ղեկավարի աշխատակազմի կրթության, մշակույթի և
սպորտի բաժնի առաջին կարգի մասնագետ

(ծածկագիր՝ 3.2-405)

- ա) բաժնի պետի հանձնարարությամբ վարչական շրջանի ղեկավարի տնօրինմանը հանձնված կրթական, մշակութային, մարզական և նախադպրոցական հիմնարկներում ուսումնասիրում է երեխաների առողջության պահպանումը և այն առավել արդյունավետ դարձնելու նպատակով առաջարկություններ է ներկայացնում բաժնի պետին.
- բ) բաժնի պետի հանձնարարությամբ մասնակցում է սույն կետի ա ենթակետում նշված հիմնարկներում կազմակերպվող միջոցառումներին, մեթոդական օգնություն ցուցաբերում.
- գ) բաժնի պետի հանձնարարությամբ ուսումնասիրում է վարչական շրջանի տարածքում գտնվող պատմամշակութային հուշարձանների պահպանության խնդիրը, ներկայացնում է առաջարկություններ.
- դ) բաժնի պետի հանձնարարությամբ գրադարաններում ուսումնասիրում է գրքերի հաշվառման, պահպանման վիճակը, գրադարանային գործի ճիշտ կազմակերպումը և զեկուցագիր է ներկայացնում բաժնի պետին.
- ե) բաժնի պետին է ներկայացնում ամառային արձակուրդներին դպրոցահասակ երեխաների հանգստի, ժամանցի, բակային ճամբարների կազմակերպման վերաբերյալ առաջարկություններ.
- զ) կատարում է բաժնի պետի հանձնարարությունները՝ ժամանակին և պատշաճ որակով.
- է) ապահովում է բաժնի փաստաթղթային շրջանառությունը և լրացնում համապատասխան փաստաթղթերը.
- ը) հետևում է բաժնի պետի հանձնարարականների, համապատասխան ժամկետներում, կատարման ընթացքին, որոնց արդյունքների մասին զեկուցում է բաժնի պետին.
- թ) իր լիազորությունների սահմաններում, անհրաժեշտության դեպքում, նախապատրաստում և բաժնի պետին է ներկայացնում է իր աշխատանքային ծրագրերը, ինչպես նաև առաջարկություններ, տեղեկանքներ, հաշվետվություններ, միջնորդագրեր, զեկուցագրեր և այլ գրություններ:

Նշված ժամանակավոր թափուր պաշտոնը զբաղեցնելու համար պահանջվում է՝

- ա/ ունի միջնակարգ կրթություն.
- բ/ Հայաստանի Հանրապետության Սահմանադրության «Համայնքային ծառայության մասին», «Տեղական ինքնակառավարման մասին», «Երևան քաղաքում տեղական ինքնակառավարման մասին». «Նորմատիվ իրավական ակտերի մասին», «Կրթության մասին», «Նախադպրոցական կրթության մասին» ՀՀ օրենքների, աշխատակազմի կանոնադրության և իր լիազորությունների հետ կապված իրավական ակտերի անհրաժեշտ իմացություն, ինչպես նաև տրամաբանելու տարբեր իրավիճակներում կողմնորոշվելու ունակություն.
- գ/ տիրապետում է անհրաժեշտ տեղեկատվությանը.

դ/ ունի համակարգչով և ժամանակակից այլ տեխնիկական միջոցներով աշխատելու ունակություն:

Տվյալ ժամանակավոր թափուր պաշտոնի առաջացման հիմքի վերացման ժամկետն է՝ մինչև համայնքային ծառայության թափուր պաշտոնը մրցույթում հաղթող ճանաչված մասնակցի (մասնակիցներից մեկի) կողմից զբաղեցնելը: Դիմումների ընդունման վերջնաժամկետն է՝ 2020 թվականի հուլիսի 15-ը ժամը 10:00: Խնդրում ենք դիմումներն ուղարկել միայն էլեկտրոնային տարբերակով՝ e-request.am էլեկտրոնային հասցեին: Համայնքային ծառայության կադրերի ռեզերվում գրանցված անձինք լրացուցիչ տեղեկություններ ստանալու համար կարող են դիմել ՀՀ տարածքային կառավարման և ենթակառուցվածքների նախարարության աշխատակազմ (ք.Երևան, Կառավարական տուն N 3, հեռ. 011-563-187): ՀՀ տարածքային կառավարման և ենթակառուցվածքների նախարարություն: